

de manducando suo corpore, & bibendo sanguine intelligētia, scandalizarentur auditorum eius pleriq;. Spiritus, inquit, est qui uiuificat, caro non prodest quicquā. Ita, & Apostolus, legem Moyſi, uelut hominem quendā, in duas partes diuidens, aliud in ea, carnē, aliud spiritum nōminat, & illam quidē exteriorem eius faciem, & obseruantia quæ secundum literam geritur, sensum carnis appellat: quemadmodum dicit de Iudæis, apud quos literalis illa adhuc obseruantia uigebat, frustra inflatos sensu carnis suæ, Illam uero spiritalem eius intelligentiā, quæ latebat sub exteriori ea, literalisq; facie, spiritum nominat: sicut, & alibi dicit. *Litera occidit, spiritus uiuificat. Quem in modum, eandē legem secundum carnem, nunc impossibilem, nunc infirmam, ad auferenda peccata affirmat: ut propterea missus sit Dei filius, qui suæ carnis pro peccato oblata hostia, damnauit peccatū in carne: hoc est, fugauit, & abstulit, & peccata nostra, ipse in se suscepit, ipse tulit, ipse portauit, quo sic iustificatio legis, sed spiritus uitæ, impleretur in nobis, qui secundum spiritum eam custodimus, & non secundum carnem, qua parte, & infirma est, & nunc impossibilis. Qui enī, inquit, secundū carnē sunt, quæ carnis sunt, sapiūt. Carnalis Israel, legē secundū carnē intelligit. At, qui sunt Iudæi, spiritu, non litera, eandē quoq; secundū spiritū intelligūt.*

*Sensus carnis.*

*Lex spiritus uita.*

Ad eandē, quoq; monerā haud improbabiler plerisq;, & inter eos Origeni, etiā hoc pertinere uidetur, quod hijs cōtinuo subiungit Apostolus. Prudentia enī carnis mors est, prudentia autē spiritus, uita, & pax: ut sit hoc idem cū eo quod dixit alibi, *Litera occidit, spiritus uiuificat, Prudentia carnis, mors est, Nam qui legem secundum carnem intelligens obseruat, ad Christum, qui uita est, non uenit. Prudentia uero spiritus, uita, & pax: uitam namq;, & pacē, hoc est, Christum habet, qui spiritualiter legem intelligens, obseruat*

*Prudentia carnis ut mors sit contra uero, prudentia spiritus, uita & pax.*